

清·方略館 編

清代 方略 全書

北京圖書館出版社



清·奕訢等撰

欽定平定陝甘新疆回匪方略

卷六三——七五

清光緒二十二年（一八九六）鉛印本

欽定平定陝甘新疆回匪方略卷六十三



四月初三日

癸酉

張集馨奏言隴州西鄉馬鹿鎮

等處均有逆回屯踞若南竄卽達寶雞繞出各
營之後必阻糧道若西竄卽係甘肅清水縣張
家川老巢現准陶茂林咨稱平涼西北一路逆
巢已經踏毀由策底店進攻劉家店等處大獲
全勝生擒逆回三十二名平涼逆目木三由蓮

花城張家川調來賊衆一股應援平涼一股分
踞關山固山意欲復擾汧隴擬督軍回隴進剿
適曹克忠前軍已到隴州遂復回華亭與雷正
綰並攻平涼復據曹克忠函稱三月十七日由
兩亭拔營五日可至隴州並令總兵陳德隆等
相機剿擊又准雷正綰咨稱白水眉現兩巢攻
克後逆聚平涼馬步數萬分爲三路迎拒我軍

槍礮齊施賊敗上原躡蹤追勦陣斬僞元帥楊
自明一名中路之賊大潰兩原之賊亦卽狂奔
又爲伏兵截殺總兵劉正高等追至高廟逆卡
梯縋而上傾覆其巢殲斃殆盡無一漏網賊目
窮迫自縊生擒逆回木三此番血戰爲入廿以
來得未曾有若陶茂林不返隴州令其牽掣賊
勢則我軍力攻平郡指日可復進攻甯夏援救

滿城都可滾營而進第軍需關繫緊要請速籌
銀五千兩迅解來營應用臣查雷正綰軍營所
需銀兩軍械臣當與藩司林壽圖等極力接濟
以期無誤奏入

上命議政王軍機大臣傳諭多隆阿穆圖善雷正綰劉
蓉張集馨曰隴州回匪前已據多隆阿張集馨疊報
肅清何以此時馬鹿鎮等處又有逆回屯踞陶茂林

一軍現與雷正綰合攻平涼疊獲大勝逆首木三已
爲雷正綰兵勇生擒若陶茂林所部不返隴州則平
涼郡城指日可復甯夏滿城亦可進籌援應曹克忠
現已由兩亭拔營前往隴州劉蓉卽日到省亦可酌
撥所部將士分防鄆縣城池及澇峪口一帶俾穆圖
善等軍移剿汧隴並峽口等處回匪以通甘省糧路
著多隆阿穆圖善劉蓉與雷正綰斟酌情形會商籌

辦雷正綰所需餉銀五千兩並軍火器械等項卽著
張集馨與林壽圖等設法妥籌源源接濟勿令稍有
缺乏

張集馨又奏言據署臬司官銘回省述及多隆
阿臥榻不言淹淹殆盡營中不免散漫尙未滋
生事端武臣各有性情全在設法聯絡臣疊奉
諭旨務要和衷是以一年以來不但與多隆阿雷正綰

陶茂林曹克忠毫無齟齬卽各部驍將亦與臣

甚爲融洽雷陶兩軍去陝日遠音問常通臣亦

極力接濟不令掣肘今幸撫臣一二月內卽可

抵省視事則事權歸一呼應較靈如撫臣仍須

出省則布置籌畫臣責無旁貸無論多隆阿病

體何如臣總當竭盡心力聯絡將士和衷共濟

奏以期仰慰

宸廕奏入

上是之

初四日

戊甲

慶昫常陞奏言據阿拉善旗護衛黃

瑞前來聲稱該旗現撥粟米一百石銀二千兩

陸續運來合之省城前撥小麥計日亦可運到

百石以外但得源源接濟自可維繫人心又據

山西巡撫沈桂芬函稱遵

旨籌撥協餉已於年內年外兩次撥銀共三萬兩先後
解交歸綏道庫暫存聽候委員迎提當卽據函
咨行綏遠城將軍阿拉善王豫傳駝馬接替護
解行走大約四月二十前後計可迎到至於驛
路不通稽遲繞越自府城失守之後文報卽無
處可交不若由草地行走二十一二日便可到
京俟援兵得到定邊迤西之路稍通自當咨行

熙麟飭由陝西驛站馳遞以符定制而期迅速

慶昫常陞又奏言前因防禦佛爾果椿乘閒詐

賊經臣等奏參請旨

旨辦理接奉去大隆四月二十前發信可也臣等至外

諭旨後遵將佛爾果椿綁赴軍前臣常陞監視行刑詔

查近日逆回在距城五里之內紮營二處馬步

賊數頗衆二十九日由城西一帶攻犯自卯至

戊申午我軍力與相持殪賊十餘名賊不能進初二
日合隊來撲城上急開五礮殪賊一百數十名
該逆狼狽狂奔計與賊衆相持業已一百三十
餘日臣等惟有隨時隨事盡心設法勉圖激勵
以仰副固守待援之計

命奏入

上命議政王軍機大臣傳諭慶昫曰阿拉善旗現撥粟

米一百石銀二千兩陸續運濟省城前撥小麥及山西撥解協餉均可解到著慶昫妥派兵弁探路迎提以濟眉急並著嚴催代辦提督梁生嶽催集兵勇移營納中閘先分賊勢且可通府城迤南各鄉堡糧路仍設法勸諭沿山一帶紳富捐輸以顧兵食而保危城訥欽一軍現已行抵何處並著慶昫等迎探催令迅速進兵務須內外夾擊免致日久或生他變城上

防軍雖尙得力殲賊並不能多賊未大創該匪故作
進退相持之狀恐是誘敵之計城外焚掠愈甚則城
內之糧草更難且恐各路解濟爲賊所截不可不慮
該將軍等惟當慎守待援多發偵探毋恃賊之不攻
遂謂可以大意也

初五日

乙亥

黑龍江將軍特普欽奏言欽遵

諭旨將本省挑備官兵調齊咨行吉林將該省挑換官

盛京所屬新民屯等候歸隊並飭調墨爾根布特哈二處官兵來省按名復加閱看統計挑選官兵一百三員名作爲一起交副都統銜協領莫爾賡額統帶於三月二十六日由省起程仍照向章自茂興站出境取道蒙古草地進法庫邊門入山海關改道前赴歸綏聽候該將軍調遣

一面飛咨總督卽票一差飭令該軍營以明
盛京將軍奉天府府尹直隸總督飭屬一體妥爲
豫備協濟馬匹車輛毋誤遄行

特普欽又奏言接奉令雙良前赴恩縣金張營

諭旨多隆阿現在攻克陝西盩厔縣城頭面受傷伊子
齊齊哈爾城披甲雙全著特普欽飭令迅赴多隆阿
軍營以便隨侍調養並著加恩准其馳驛前往臣欽